

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

De Sardicensi Consilio. Cap. XVI.

urn:nbn:de:hbz:466:1-12704

, pendiariam fidei formulam, ista vberius diffusiusque expla
 nare coacti sumus, nō vt inani & arroganti contentione di
 gladiaremur, sed vt omnem suspicionem de nostro iudicio
 & opinione animis hominum, qui nos penitus ignorant, in
 iectam, tanquam alienam à nobis remoueremus: quinetiam
 vt omnes, qui versus occidentem habitant, non solum im-
 pudentes eorum calumnias, qui contrariam opinionem tu-
 entur, verū etiam ecclesiasticam & Christianam episcopo-
 rum orientem incolebitum doctrinam, ex sacris diuinisuf-
 que inspiratis scripturis, quas ipsi peruersè interpretantur,
 ratione facilī & minimè contorta confirmatam pro certo in-
 telligant. Ista episcopi qui partes versus occidentem ac-
 colebant, tum quod linguae Græcæ ignari erant, tum quod
 ea propter eandem causam non intelligebant, neutiquā re-
 cipere, sed fidem in concilio Niceno stabilitam fatis esse,
 nihilq; ulterius curiosè vestigandum dixerunt.

De Sardicensi Consilio.

CAP. XVI.

CVM Imperator denuò scripsisset, vt Paulo & Athana-
 sio sua ipsorum loca ac sedes restituerentur, nihilque
 proficeret (intestina namq; seditio multitudinem sine
 intermissione implicatam tenuit) Paulus & Athanasius a-
 liud concilium cogi postulant: vt cum de eorum rebus, tum
 de fide in concilio generali cognosceretur: docentq; se ab-
 dicatos fuisse, quo ipsa penitus labefactaretur fides. Edici-
 tur ergo concilium generale, vt omnes Sardicam cōmeent
 (est autem hæc ciuitas Illyrij) idq; de sententia duorū Im-
 peratorum, alterius per literas illud flagitantis, alterius qui
 in oriente regnabat alacri & parato animo eisdem obtem-
 perantis. Vndecimo anno post mortem patris duorum Au-
 gustorum, Ruffino & Eusebio Cos. Concilium Sardicen-
 se coactu est. Episcopi circiter trecenti, qui versus occiden-
 tem habitabant, vt ait Athanasius, eo conueniunt. Ex epi-
 scopis autem, qui orientem incolebāt, vt Sabinus narrat, so-
 lum septuaginta sex (in quorum numero fuit Ischyras Ma-
 reotis episcopus, quem illi qui Athanasium abdicabant ad
 episcopatū illius loci delegerant) Sardicam aduentant.

G 3

Nam

SOCRATIS HISTORIAE

Nam alii corporis infirmitatem causantur: alij de temporis præstituti queruntur angustia, culpamque illius rei in Iulium Episcopum Romanum conferunt, cum tamen ex eo tempore quo tum concilium ædítum fuerat, tum Athanasius concilium expectans Romæ commoratus erat, annus & sex menses iam præteriissent. Postquam igitur Sardicæ conuenerant episcopi oriëtis, in conspectum episcoporum occidentem incolentium venire noluerunt: dixeruntque se non alia conditione in colloquium cum illis venturos, nisi Athanasium & Paulum è conuentu expellerent. Verùm ubi Protagoras Sardicensis episcopus, & Osius episcopus Cordubæ (est hæc quidem vt supra dixi, ciuitas Hispaniæ) minimè ferebant, vt Paulus & Athanasius abessent, episcopi orientales confessim decedunt: cumque ventum esset ad urbem Philippi, quæ est in Thracia, priuatum inter ipsos concilium constituere: de cætero aperte verbum Consstantiale anathemate damnare: opinionem quod filius patri dissimilis esset, per literas scriptas vbiq; disseminare cœperunt. Episcopi autem Sardicæ coacti, primum istos indicata & deserta causa condemnare: Deinde Athanasii accusatores dignitatis gradu dimouere: tum fidei Nicænæ decisionem constabilire, opinionemque, quod filius esset patri dissimilis, prorsus explodere. Postremò verbum Consstantiale multo notius & illustrius efficere. Nam literas scribunt illi quoque de ea re, & passim ad omnes mittunt.

Quare utrique se recte fecisse arbitrati sunt, episcopi orientis, propterea quod occidentis episcopi eos receperissent, qui ab illis erant abdicati: occidentis autem episcopi, tum quia illi, qui eos abdicauerant ante causæ cognitionem abscesserant, tum quia ipsi fidem Nicænam tenebant, illi verò euertere non dubitarunt. Sedes igitur Paulo & Athanasio redundunt: itemq; Marcello episcopo Ancyrae urbis parvæ Galatiae: qui quidem iam pridem, vti in primo libro commemorauimus, abdicatus fuerat, tum autem sententiam contra se ante pronuntiatam pro viribus impugnare laborauit, docuitque sermonis & loquendi modum, quo liber scriptus erat, non intellectum esse, & propterea se in suspicionem opinionis Pauli Samosateni vocatum. Sed tamen illud à nobis minimè ignorari debet, Marcelli librum ab Eusebio

sebio Pamphilo , qui contra illum differebat tribus libris quos contra Marcellum inscripsit refutatum esse: verbaque ipsius Marcelli ab eo citata: quæ quidem & oppugnare contendit, & docet Marcellum non aliter quam Sabellium Afrum, & Paulum Samosatenum, Dominum Iesum , solum hominem induxit.

Pro Eusebio Pamphili Apologia.

C A P. X V I T.

Quoniam autem nonnulli ipsum Eusebium Pamphilum in libris, quos edidit, tanquam Arii errori fauitem, contumeliis vexare aggressi sunt, non incommodum arbitror pauca de illo dislerere. Primum enim concilio Niceno de Consuetudinali, incidenti, & interfuit, & assensus est. In tertio vero libro quem de vita Constantini conscripsit, ista de illo concilio his ferè verbis ipse com memorat: Imperator omnes ad concordiam eatenus reducere contendit, quoad eos in omnibus rebus, quæ in questionem aliquando venissent, tum conspirantes animis, tum opinionibus consentientes reddidisset, ita ut concors fides inter eos vigeret. Quod si igitur Eusebius, dum concilii Niceni coacti mentionem facit, omnia quæ in controvèrsiam venerant soluta esse dicat, omnesque in eadem sententia & opinione fuisse, quid est cur quidam illum in Arii heresi propendisse existimat. Quinetiam Ariani ipsi falluntur opinione, dum eum cum ipsis sentire arbitrantur. At dixerit quispiam, illum in libris suis partibus Arii propterea videre fauere, quod percrebro in eisdem hoc modo loquatur, Per Christum. Cui respondemus, quod hoc loquendi modo, aliisq; item nonnullis, qui cœconomiam humanitatis seruatoris nostri exprimunt, sæpen numero tum alij scriptores ecclesiastici vsi sunt, tum Apostolus ipse, qui numquam peruersæ cuiusquam opinionis magister existimatus est, ante istos oës eadē verba usurpauit. Porro autem quæ fuerit Eusebij sententia opinioq; cū Arius filiū creaturam, tanquam unam ex aliarum creaturarum numero esse diceret, hoc loco accipito: qui in primo libro cōtra Marcellū sic loquitur. Vnigenitus Dei fili⁹ solus ille, & nō aliud & p̄dicator, & est.

c 4

Vnde